



MEMORANDUM
o zajedničkom djelovanju ženskih udruženja
iz Bosne i Hercegovine i dijaspore
u kontekstu provođenja UN Rezolucije 1325
„Žene, mir i sigurnost“

Bosanska Krupa, 17. maj 2025. godine



MEMORANDUM

**o zajedničkom djelovanju ženskih udruženja iz BiH i dijaspore
u kontekstu provođenja UN Rezolucije 1325 „Žene, mir i sigurnost“**

Potpisan na 5. konferenciji umrežavanja bosanskohercegovačkih djevojaka i žena
iz zemlje i dijaspore „Ujedinjene za mir i sigurnost“ u Bosanskoj Krupi 17. maja
2025. godine

UVODNE ODREDBE

Ovaj Memorandum predstavlja zajedničku izjavu o posvećenosti ženskih udruženja iz Bosne i Hercegovine i dijaspore implementaciji UN Rezolucije 1325 „Žene, mir i sigurnost“. Polazeći od univerzalnih vrijednosti mira, rodne ravnopravnosti i društvene pravde, potpisnice izražavaju spremnost da svojim zajedničkim djelovanjem doprinesu izgradnji inkluzivnog, sigurnog i pravednog društva.

CILJEVI MEMORANDUMA

Potpisnice se obavezuju na:

1. Jačanje uloge žena u procesima odlučivanja u oblastima mira, sigurnosti i političkog djelovanja.
2. Promociju ženskog liderstva i osnaživanja žena, naročito u postkonfliktnim i migracijskim kontekstima.
3. Aktivno učešće u inicijativama za prevenciju sukoba, izgradnju održivog mira i uspostavljanje kulture nenasilja.
4. Umrežavanje i uzajamnu podršku između ženskih udruženja u zemlji i dijaspori, radi razmjene iskustava, znanja i resursa.
5. Borbu protiv svih oblika nasilja nad ženama i djevojčicama, uključujući rodno zasnovano nasilje, trgovinu ljudima i institucionalnu nepravdu.
6. Saradnju sa institucijama, međunarodnim organizacijama i medijima radi promocije ženskih prava, sigurnosti i ravnopravnosti.

OBAVEZE POTPISNICA

Svaka potpisnica se obavezuje da će:

- Integrisati principe UN Rezolucije 1325 u svoje strategije, projekte i javne istupe.

- Redovno razmjenjivati znanja, dobre prakse i resurse s ciljem jačanja kapaciteta za kolektivno djelovanje.
- Pokretati zajedničke inicijative i kampanje za podizanje svijesti o ulozi žena u izgradnji mira.
- Aktivno saradivati s lokalnim, entitetskim i državnim institucijama u izradi i implementaciji politika koje unapređuju položaj žena.
- Izvještavati o postignućima, izazovima i naučenim lekcijama kroz godišnje izvještaje i evaluacije.

MEHANIZAM SARADNJE I IMPLEMENTACIJE

Radi efikasne provedbe ovog Memoranduma, potpisnice će:

1. Održavati godišnje strateške sastanke radi evaluacije zajedničkih aktivnosti i definiranja narednih koraka.
2. Formirati Koordinaciono tijelo, kao platformu za operativnu komunikaciju, praćenje aktivnosti i izradu zajedničkih prijedloga i stavova.
3. Uspostaviti digitalnu mrežu (putem online platforme i/ili aplikacija kao što su WhatsApp ili Viber) za redovnu razmjenu informacija.
4. Delegirati kontakt osobu iz svakog udruženja zaduženu za praćenje implementacije i komunikaciju unutar mreže.
5. Razmotriti mogućnost osnivanja zajedničkog fonda ili resursnog centra, koji bi podržao provedbu aktivnosti Memoranduma.

TRAJANJE I PRISTUPANJE MEMORANDUMU

Ovaj Memorandum stupa na snagu danom potpisivanja i ostaje na snazi dok potpisnice ne dogovore njegovu reviziju ili prestanak važenja.

Svako zainteresovano udruženje koje dijeli vrijednosti i ciljeve ovog Memoranduma može mu pristupiti uz saglasnost većine potpisnica, čime se mreža dodatno jača i širi.

ZAVRŠNE ODREDBE

Potpisnice izražavaju snažnu opredijeljenost za međusobnu solidarnost, saradnju i djelovanje usmjereno na osnaživanje žena i izgradnju društva zasnovanog na miru, sigurnosti i jednakim pravima za sve.

Svečano potpisano u Bosanskoj Krupi, 17. maja 2025. godine.

18. Udruženje "Sutra je novi dan" Velika Kladuša Radica Novak



19. Udruženje žena "Zlatne ruke" Visoko Abibegović Ksenija



20. Udruženje žena "Izvor" - Zdena Sanski Most RADA KRUPIC



21. Udruženje "Univerzum" Mostar Fajna Šojnić Kussmanović



22. Udruženje "Inicijativa za suzbijanje kriminala i resocijalizaciju" (CSRI) Sarajevo Olga Ljiljana Klem



23. Vijeće bošnjačke nacionalne manjine Grada Kastva Republika Hrvatska [Signature]

